

Men ushbu fakultetning magistratura bosqichida tahsil olganman. Ikki yil mobaynida olingan bilimlarim, ortirilgan tajribam hamda ustozlar tomonidan berilgan maslahatlar asosida o'z fikrlash doiram va dunyo qarashlarimni shakllantirishga erishganman. Hozirda ish faoliyatim davomida ushbu tajribalar juda ham foyda bermoqda. Ushbu fakultet bitiruvchisi sifatida fakultet faoliyatiga muvaffaqiyatlar tilagan holda, universitetning eng yaxshi fakulteti bo'lishiga ishonaman.

Alimov Saydulla Raxmatillaevich

O'zbekiston Respublikasi Axborot texnologiyalari va kommunikatsiyalarini rivojlantirish vazirligi
Toshkent viloyati hududiy boshqarmasi
Elektron hukumat tizimini va axborot texnologiyalarini rivojlantirish bo'limi boshlig'i

FAKULTETIM - FAXRIM!

Oilamizda otam va akalarimning bari aniq fanlarga qiziqishgani va shu yo'nalishda ilmiy ishlar qilishgani uchun menga ham shu yo'lni tavsiya berishardi. Ammo bolaligimdan televideniye olami meni o'ziga mahliyo etganligi uchun kelajagimni aynan TV sohasida tasavvur qilardim. 2009 yili, 17 yoshimda Toshkent Axborot Texnologiyalari universitetida yangi "Televizion texnologiyalar" fakulteti ochilganligini eshitib juda quvondim. Chunki bu men uchun ham oilaviy an'anamizni davom ettirgan holda aniq fanlarni o'zlashtirish jarayonida egallagan bilimlarim orqali talaba bo'lish, ham TV sari navbatdagi qadam edi. Yaxshi niyat - yarim mol deganlaridek, 2011 yili universitetning aynan shu fakulteti talabalari safidan joy oldim. Hashamatli o'quv binolari-yu zamonaviy o'quv uslublari, dars jarayonlaridagi soha professionallarining mashg'ulot va ma'ruzalari qiziqishlarimning tobora ortishiga sabab bo'ldi. Shartnoma asosida talabalikka qabul qilingan bo'lsam-da, Ta'lim grantlari dasturi g'olibi sifatida imtiyozli tahsil oldim. O'qituvchi-murabbiylar, professorlar, amaliy mashg'ulotlar rahbarlari, kafedra va fakultetning jonkuyar ustozlari hamda bevosita universitet rahbariyatining qo'llab-quvvatlashi o'laroq turli tanlovdarda qatnashib, bir necha bor g'olib va sorvrindor bo'lishga muvaffaq bo'ldim. "Televizion texnologiyalar" fakultetining 2 bosqich talabasi bo'lgan kezlrimda esa egallagan nazariy bilimlarimni Respublika telekanallaridagi amaliy jarayonlarda qo'llab, u yerda ham yetarlicha yutuqlarni qo'lga kirita boshladim. O'zbekiston Ellektron OAV Milliy Assotsiatsiyasi tarkibidagi nodavlat tele va radiostansiyalar uchun tayyorlanadigan informatsion dasturlardan muxbir, muharrir, keyinchalik tahririyat bosh muharriri vazifalarida ijod qila boshladim. Doim universitetim va fakultetim bilan g'ururlanib, faxrlaganman. Bu kunga qadar erishgan har bir yutuqlarimning sababchilari qatorida Toshkent Axborot Texnologiyalari universitetining "Televizion texnologiyalar" fakulteti rahbariyati, o'qituvchi-professorlarini iftixor bilan tilga olishga haqliman. 10 yoshing muborak, fakultetim - faxrim!

Parviz FATTOYEV

"Sevimli" telekanali muharriri va boshlovchisi.

Esimda, ushbu fakultetga o'qishga qabul qilingan davrlarim, fakultetimiz hali endigina tashkil etilgan, uning tarkibidagi mutaxassislik kafedralari ham o'z faoliyatini yaqindagina boshlagan vaqtlar edi. Lekin, hali bu fakultet uzoq yillar faoliyat olib borishiga, hamda ko'plab iqtidorli yoshlarni kashf etishiga ishonchim komil edi. Men ushbu fakultet ishlarida ulkan muvaffaqiyatlar tilayman!

TUXTAYEV SOHIB SADIRIDINOVICH

Janubiy Koreyaning

DTS (DaTong Solution) Inc. kompaniyasi

"Deep Learning" sohasida izlanuvchi-muhandisi

FAKULTET MEHRI MENI HANUZ O'ZIGA CHORLAYDI!

Inson o'z maqsadiga erishishi uchun yo'lni to'g'ri tanlay bilishi kerak deb o'ylayman. Chunki, aniq qo'yilgan qadam bir kun kelib o'z samarasini beradi. Men ham ikkilanmasdan maqsadimni aniq belgiladim va qadamimni shahdam tashladim deb ayta olaman. Sababi, ko'plab abituriyentlar orzu qiladigan universitetlardan biri bo'lgan, Toshkent Axborot Texnologiyalari Universitetiga 2013-yil o'z hujjatlarimni topshirdim. Omadim kelib shu yili talabalik baxtiga muyassar bo'ldim. Universitetning Televizion texnologiyalari fakultetida tahsil ola boshladim. 4 yil mobaynida mazkur universitetning professor-o'qituvchilari, o'z kasbining yetuk mutaxassislaridan tomonidan bilim va ko'nikmalar oldim. Umuman olib aytganda, televideniya sohasiga aynan shu kezlardan mehrim yanayam oshdi. Chunki, fakultet ustozlari tomonidan berilgan amaliy va nazariy bilimlarni tinglamaslik va o'zlashtirmaslikning shunchaki iloji yo'q edi. 4-bosqichga o'tgan kezlaringimda fakultet bag'ridan uzoqlashish onlari yaqinlashayotgani sari ko'nglim biroz hijil tortardi. Chunki, 4 yil kimlardir uchun oddiy hol va qisqa vaqt bo'lishi mumkin, lekin ushbu davr men uchun hayotimning eng zavqli pallasi bo'lib ulgurgandi. 2017-yilda Televizion texnologiyalari fakultetini tamomladim va keyingi maqsadim bo'lgan, televideniya sari yo'l oldim. Mazkur fakultetdan olgan bilimlarim va amaliy tajribalarim sabab, ayni paytda o'z kasbim va ish joyimga egaman. Ammo shu fursatdan foydalanib bir narsani takror aytishni istadim. "Fakultet mehri meni hanuz o'ziga chorlaydi". 10 yoshing muborak qadrdon ilm maskanim!

Uchqun NOMOZOV

"Sevimli" telekanali "Zamon" ITD jurnalisti

Bugungi kunda respublikada 96 ta oliy ta'lim muassasasi faoliyat ko'rsatayotgan bo'lsa, ular orasida bizning universitetimiz alohida mavqega ega. Bu tabarruk dargoh faqatgina o'quv maskani emas, balki ijodiy g'oyalarni to'plab yangi mahsulotlar, texnologiyalar va nomoddiy aktivlar barpo etuvchi muassasa hamdir. Jumladan menga 4 yil mobaynida beminnat saboq berib kelayotgan aziz "Televizion texnologiyalar" deb atalmish fakultetim men kabi ko'plab talabalarning hayot yo'lida o'ziga xos iz qoldirishini e'tirof etmasam bo'lmas...

Fursatdan foydalanib, 10 yillik tarix kitobiga ega aziz fakultetimni qutlug' sana bilan tabriklayman. Ta'lim deya atalmish murakkab va o'ta mas'uliyatli sohada fidoyilarcha mehnat qilayotgan e'zozli ustozlarimizga ta'zim qilaman!

Meron Muxammadaziz.

"Televizion texnologiyalar" fakultetiga 10 yil!

Shu munosabat bilan ushbu fakultetda faoliyat yuritayotgan barcha xodimlar va ustozlarimni muborakbod etaman! Sizlarga yengil bo'lmagan kasbingiz yo'lida, ijodiy zafarlar tilayman! Ega bo'lgan mavqingiz bundanda yuqori bo'lsin! Barcha boshlagan ishlaringizda yutuqlar va omadlar tilayman! Men ushbu fakultetning "Telestudiya tizimlari va ilovalari" kafedrasida "Operatorlik" yo'nalishini (2012-2016 y.y.) muvaffaqiyatli bitirdim, bunda albatta ustozlarimning o'rni katta. Hozirda bitirgan soham bo'yicha, ya'ni operator sifatida O'zbekiston Milliy teleradiokompaniyasida faoliyat yuritib, o'qish davrida olgan bilim va ko'nikmalarni shu kasbim yo'lida ishlatib kelmoqdaman. Barcha ustozlarimga rahmat etaman!

Ozodjon Roziqov.

O'z nomimdan hamda kursdoshlarim nomidan Muxammad Al-Xorazmiy nomidagi Toshkent axborot texnologiyalari universiteti "Televizion texnologiyalari" fakultetini 10-yillik bayrami bilan tabriklab hamma ezgu tilaklarni tilayman.

Fakultet dekani Nuraliyev Faxriddin Murodillayevichga kelgusidan bundanda yuksak cho'qqilarga

ko'tarilishlarini chin qalbidan tilayman.

Shu bilan birga ushbu fakultetning "Telestudiya tizimlari va ilovalari" kafedrası professor-o'qituvchilariga o'z minaddorchiligimni bildiraman. Ularning bizga bergan bilimlari yordamida o'z kasbimizning yetuk mutaxasislari darajasiga ko'tarilmoqdamiz. Buning asosida esa bizga bilim va hayotiy tajribalarini ulashgan uztozlarimizga o'z tashakkurimizni bildiraman. Menga o'z bilimlarini bergan barcha uztozlarimga rahmat, jumladan "Telestudiya tizimlari va ilovalari" kafedrası mudiri Bazarbayev Botir Joldasovich, Marat Maxmudovich Saliyev, Alisher Isayevich Mamadaliyev, Askar Dadaxanovich Abduraximov, Isomiddin Parmankulov Pattayevich, Sherzod Tirkashaliyevich Xusanov, Oybek Narzullayev, Gulya Tashmuxammedova Xudayberdiyevna, Sattarova Shaxnoza Kamaldjanovna va bracha barchangizga mingdan ming raxmat. Hudo xoxlasa biz talabalar fakultetning 20 yoki 30 yillik bayramlarida ham manashunday tabriklarni aytish nasibi ro'z aylasin.

Sizlarga tabrik va o'z minaddorchiligini isxor qilib qoluvchi talabangiz «Televizion texnologiyalari» fakulteti "Telestudiya tizimlari va ilovalari" kafedrası 2017 yil bitiruvchisi

Bobur Arislonov.

Bitiruvchilar